

“ყველა სასწაული არ არის ყველა ღვთაებრივი, ზოგჯერ ეშმაკი ასრულებს ადამიანების ხელით, ამიტომ ყურადღებაა საჭირო” – საბერძნეთის ეკლესია



ყოველთა წმიდათა ღვესასწაულთან დაკავშირებით, საბერძნეთის ეკლესიის მუდმივმოქმედმა წმიდა სინოდმა საინტერესო ენციკლი გამოაქვეყნა, რომელიც ღღევანდელ ღღეს საკმაოდ გავრცელებულ პრობლემას, ცრუ-წინასწარმეტყველთა სენს ეხება.

პირველ რიგში, ენციკლის ტექსტი აღნიშნავს, რომ სულთმოფენობიდან ერთი კვირის შემდეგ, ვღღესასწაულობთ სული წმიდის მიერ დაარსებული ეკლესიის ნაყოფს – წმიდანებს. ზუსტად წმიდანები არიან სული წმიდის მატარებელი ადამიანები, ცრუმოდვრებისა და ცრუ-წინასწარმეტყველებისგან განსხვავებით, რომლებიც არსებობენ ძველ აღთქმაშიც, ახალ აღთქმაშიც და სამწუხაროდ მრავლად იყრიან თავს ღღევანდელ ეპოქაშიც.

„ღღევანდელ ღღეს, მრავალი ცრუ-წინასწარმეტყველი არსებობს ეკლესიაში, რომლებსაც შეცდომაში ჰყავთ შეყვანილი მრავალი მორწმუნე და ისეთ ღონებე არიან მისულნი, რომ განხეთქილებაში ან ერესში მოხვედრის საფრთხეშიც კი არიან.

ამათგან ზოგი თვითდანიშნული მოძღვრები და მომავლის მეწინასწარმეტყველები არიან და მორწმუნეებს შფოთში აგდებენ მოახლოებულ ვითომ-საფრთხეებზე

ლაპარაკით.

ზოგი კიდევ არასწორად განმარტავენ თანამედროვე და ძველი წმიდანების სიტყვებს და წარმოადგენენ მათ საკუთარი ზრების მიხედვით.

ზოგიც ლაპარაკობს ანონიმურ მოძღვრებზე, მამაოებზე ან დედაოებზე, რომლებიც ცოცხლები არიან, რომლებიც წინასწარმეტყველებენ მოსალოდნელ კატასტროფებსა და ომებს; ხშირად ადგენენ კიდევ კონკრეტულ თარიღებს და როდესაც მათი წინასწარმეტყველებები არ სრულდება, იმის ნაცვლად შერცხვეთ და გაჩუმდნენ, არ იფუჭებენ განწყობას და განაგრძობენ ახალი თარიღების დადგენას.

ზოგი ასევე, გამოაჩენს ხოლმე რაიმე წმინდა საგნებს, რომელთაც ცრემლი, მირონი ან სისხლი სდით და აჩვენებენ სხვადასხვა საკვირველ და სასწაულებრივ მოვლენებს.

რა თქმა უნდა, ეკლესიისათვის უდავოდ მისაღებია, როგორც წმიდა საგნები, ასევე წმიდა ხატები და მათი მეშვეობით საღვთო მადლის სხვადასხვა ფენომენის გამოვლენა, მაგრამ ამ საკითხს ასევე სჭირდება დიდი ყურადღება და განსჯის უნარი, განსაკუთრებით ჩვენს ეპოქაში, სადაც ინტერნეტი ბატონობს და ამგვარი ინფორმაციები სწრაფად, მყისიერად და უკონტროლოდ ვრცელდება.

ჩვენი დროის დიდმა წმინდანმა და წინასწარმეტყველმა, გერონდა პორფირიმ, ამასთან დაკავშირებით აღნიშნა, რომ „ეს სასწაულები... არ არის ყველა ღვთაებრივი. ზოგიერთი მათგანს ეშმაკი ასრულებს ადამიანების ხელით, ამიტომ ყურადღებაა საჭირო“.

ამიტომ აუცილებელია, რომ ასეთ შემთხვევებში ვიყოთ ძალიან ფრთხილად, რათა მათ უკან – არა ღვთის ხელი, არამედ ეშმაკი იდგეს და ისეთი ხალხი, რომელიც ცდომილების სულითა და თავის წარმოჩენის განწყობითაა შეპყრობილი, თვითმარქვია მაცხოვრები, რომლებიც არ ემსახურებიან ღვთის ნებას, არამედ – საკუთარ ინტერესს.

ყოველივე ამის გათვალისწინებით, ჩვენი ეკლესიის მორწმუნეებს ყურადღებისაკენ მოვუწოდებთ, რათა არ შეცდნენ სხვადასხვა სახის ცდომილებისგან, მოხეტიალე და ცრუ-წინასწარმეტყველებისგან, რომლებიც აშორებენ მათ მთავარ მიზანს - მართლმადიდებელ სარწმუნოებასა და სულიერ ცხოვრებაში წინსვლას- და მათ ყურადღებას ავადმოფუროს მდგომარეობები იპყრობენ და კავდებიან ისეთი აქტივობებით, რომლებსაც არანაირი სარგებელი არ მოაქვს, პირიქით იწვევს შფოთს, არეულობას, დაბრკოლებასა, განხეთქილებასა და დახევას ეკლესიის ანუ ქრისტეს უქსოველი კვართისა.

დაე, დავრჩეთ ერთგულები იმ ტრადიციისა, რომელიც მივიღეთ ჩვენს ეკლესიაში, მოვერიდოთ მათ, ვინც თვითიზოლირებულია; პატივი-ვცეთ და დავემორჩილოთ ჩვენი ეკლესიის მწყემსებს და ეპისკოპოსებს, რამეთუ იგინი იღვიძებენ სულთა ჩვენთათვის;

და უპირველეს ყოვლისა „ან უკუე მშვიდობასა შევუდგეთ და აღშენებასა ურთიერთას“, რათა განისვენოს ჩვენს სულებში მადლმა სულისა წმიდისა, სულისა ჭეშმარიტებისა, მშვიდობისა და ერთობისა. ამინ.“

მამობრივი სიყვარულითა და სურვილებით

† ათენელი იერონიმე

სინოდის წინამძღოლი

† იკარიელი ევსევი

† ფლორინელი თეოკლიტე

† კასანდრიელი ნიკოდიმე

† სერელი თოლოგე

† სიდროკასტრელი მაკარი

† ედესელი იოლი

† არგოლიდელი ნეკტარი

† თესალიოტიდელი ტიმოთე

† მეგარელ-სალამინელი კონსტანტინე

† კეფალონიელი დიმიტრი

† ტრიკელ-სტაგელი ქრიზოსტომე

† კარპენისელი გიროგი

ზუსტი დედანი

მთავარი მდივანი

†ორეელი ფილოთე

wenews.ge